



REPUBLIKA E SHQIPËRISË

MINISTRIA E TURIZMIT DHE MJEDISIT  
AGJENCIA KOMBËTARE E MJEDISIT  
DREJTORIA E VLERËSIMIT MJEDISOR

Nr. 9557 Prot.

Tiranë, më: 27.11. 2018

Nr. Identifikimi 884

Vendimi 54

**DEKLARATË MJEDISORE**

Në mbështetje të Ligjit Nr. 12/2015 "Për disa ndryshime në ligjin nr. 10440, datë: 07.07.2011, "Për Vlerësimin e Ndikimit në Mjedis", VKM Nr. 686, datë 29.7.2015 "Për miratimin e rregullave, të përgjegjësiave e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore, dhe me propozim të Agjencisë Kombëtare të Mjedisit, Ministri

**VENDOSI:**

Lëshimin e Deklaratës Mjedisore për **Zhvilluesin** me të dhënat si më poshtë:

**Person juridik:** "Integrated Energy BV SPV" sh.p.k.

**Nr. NIPT-i:** L72031013B

**Adresa e selisë:** Njësia Administrative Nr.5, Bulevardi Gjergj Fishta, Nr.48, Tiranë

**Personi përgjegjës:** Arenc Myrtezani

Për të zhvilluar projektin: "**Instalim për asgjësimin e mbetjeve urbane me anë të incenerimit dhe prodhimit të energjisë elektrike**"

Pjesë e projektit "Ndërtim landfilli, inceneratori dhe rehabilitim i venddepozitimeve ekzistuese Tiranë dhe prodhimi i energjisë elektrike" në zonën e trajtimit të mbetjeve, Tiranë

Aplikimi është bere referuar Ligjit Nr. 10440, datë 7.7.2011 "Për vlerësimin e ndikimit në mjedis", të ndryshuar, Shtojca I: Pika 9. Instalime për asgjësimin e mbetjeve për incinerimin, trajtimin kimik, sipas seksionit D9, ose venddepozitimet e mbetjeve të rrezikshme, siç përcaktohet në ligjin "Për menaxhimin e integruar të mbetjeve".

**Vendndodhja:** Zona e trajtimit të mbetjeve, ZK: 3321, Nj.A. Vaqarr, Bashkia Tiranë

**Kapaciteti trajtues:** 880 ton/dit

**Energjia elektrike e përfituar:** 3.85 MWe



(Bashkangjitur vendimit, gjeni aneksin me hartën topografike dhe koordinatat metrike, ku tregohet vendodhja e objektit)

Bazuar në nenin 12, të ligjit nr. 10440, datë 7.7.2011, "Për vlerësimin e ndikimit në mjedis", i ndryshuar, i sugjerohet autoritetit planifikues:

**Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;**

Bazuar në pikën 2, të nenit 12, të ligjit nr. 10440, datë 7.7.2011, "Për vlerësimin e ndikimit në mjedis", të ndryshuar, më poshtë po listojmë:

## **1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:**

### ***Drejtoritë Teknike të Ministrisë së Mjedisit shprehen:***

Rekomandojmë mbajtjen parasysh të referencave ndaj ligjit të pyjeve dhe të dhënave kadastrale për pyjet dhe kullotat.

Në raportin e thelluar të VNM-së subjekti nuk ka mbajtur parasysh të gjitha sugjerimet e bëra në fazën e njoftimit për çështjet që duhet të trajtonte në raportin e thelluar të VNM-së sa i takon menaxhimin të mbetjeve që do të gjenerohen gjatë zhvillimit të aktivitetit. Sugjerojmë të reflektohen në raport të gjitha komentet e dhëna.

Gjithashtu, kërkohet informacion shtesë në drejtim të:

- Markës së instaluar të impiantit;
- Certifikata e teknologjisë ISO e cila plotëson kushtet dhe vërteton se është funksionale;
- përfitimet strategjike të zonës lidhur me projektin e veprës;
- skenarët teknikë dhe ekonomikë, me anë të të cilëve mund të arrihen objektivat e veprës;
- efektet e mundshme negative apo pozitive në përbërësit mjedisorë dhe social lidhur me:
  - a. popullsisë;
  - b. cilësinë e ajrit;
  - c. efektet e tokës nga ndërtimi i veprës;
  - d. ndotja dhe mbrojtja e ujit sipërfaqësor dhe nëntokësor dhe trajtimi i tyre;
  - e. peizazhi i zonës para dhe pas ndërtimit të veprës;
  - f. masat parandaluese ....etj.

Bazuar në nenin 12, pika 1 e ligjit nr . 10440 / 2011 "Për vlerësimin e ndikimit në mjedis" të ndryshuar, në rast se zgjidhni pikën "a" apo "b" të referencës ligjore së sipërcituar, në Deklaratën Mjedisore të vendosen kushte të detajuara përsa i përket mbrojtjes së biodiversitetit, menaxhimin të pyjeve, emetimeve në ajër, shkarkimeve të ujrave të ndotura, menaxhimin të mbetjeve, etj. të cilat duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis.

## **2. Informacion për procesin e realizuar të konsultimit me publikun:**

### ***Konsultimi me publikun:***

- Për sa i përket procedurës së konsultimit me publikun, subjekti ka kryer dëgjuesën publike me banorët e njesisë administrative Vaqarr.

Gjatë konsultimeve të kryera, përfaqesues të shoqërisë dhe grupi i punës që ka hartuar dosjen e aplikimit për Procedurë të Thelluar të VNM-së, kanë dëgjuar me shumë interes vërejtjet, ankesat dhe sugjerimet e të pranishmëve dhe i kanë reflektuar në Raportin përfundimtar të VNM-së. Në dosjen e aplikimit, janë pasqyruar të gjitha minutat e takimit, të renditura në kohë, shoqëruar edhe me foto, sipas të gjitha përcaktimeve ligjore në fuqi.



**3. Arsyet dhe konsideratat kryesore, ku është mbështetur propozimi i vendimi:**

- Në Kontratën e Koncesionit “Për Ndërtim Landfill, Inceneratori dhe Rehabilitim i venddepozitimeve ekzistuese Tiranë dhe prodhimin e Energjisë Elektrike” ndërmjet Ministrisë së Mjedisit dhe Shoqërisë “Integrated Energy BV SPV”sh.p.k. me Nr. 6597 prot.datë: 31.08.2017.

**4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:**

- 4.1 Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT/Bashkia/Njësi Administrative) dhe akteve ligjore dhe nënligjore në fuqi.
- 4.2 Aktiviteti të zhvillohet vetëm brenda sipërfaqjes dhe koordinatave të kërkuara në aplikim.
- 4.3 Në rast se gjatë punimeve shfaqen elemente të tillë si: objekte kulti, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.

**Gjatë fazës së instalimit:**

- 4.4 Të kryhen punime vetëm në gjurmët e projektit të propozuar.
- 4.5 Në asnjë mënyrë mos të ketë prerje pemësh.
- 4.6 Të merren masa për të parandaluar rëniet e zjarrit gjatë realizimit të punimeve në terren dhe të sigurohen mjetet e nevojshme të ndërhyrjes në rast të rënies së zjarrit (zjarrfikse të lëvizshme, bombula me shkumë, etj);
- 4.7 Niveli i zhurmave gjatë procesit të jetë brenda normave të lejuara 60DB – 70DB dhe të punohet në orare kur shqetësimi i banoreve dhe zonave përreth të jetë me ndikim sa më të ulët
- 4.8 Të bëhet rrethimi i zonës ku do të realizohen punimet, për të shmangur hyrjet e pautorizuara.
- 4.9 Operacionet për zbatimin e projektit (ndërtimi) të përdorin sa më shumë të jetë e mundur infrastrukturën egzistuese të transportit (rrugën dhe rrjetet egzistuese),
- 4.10 Kapanoni i shkarkimit të mbetjeve dhe seleksionimit fillestar të jete i shtruar me shtresa izoluese dhe fibra të posatshme që nuk lejojnë depertimin në shtresat e tokës;
- 4.11 Ujerat e ndotura të gjitha kategorive të kapen e trajtohen në një impant të posatshëm që do të jete pjesë e projektit;
- 4.12 Kapanoni dhe zona operationale të këne sistem të mbledhjes së ujerave sipërfaqesore dhe orinetimin e tyre në impjanit e trajtimit të ujerave të ndotura;
- 4.13 Gjatë fazës së instalimit të mbahet nën kontroll ndotja e ajrit, brenda standarteve të OBSH-së, e konkretisht: 90 mikrogram/m<sup>3</sup> për pluhurin total (LGS) dhe 50 mikrogram/m<sup>3</sup> për pluhurin e frymëmarrjes (PM 10).
- 4.14 Mjediset ku punohet të mbahen pastër, duke bërë edhe spërkatje me uje.
- 4.15 Subjekti të kujdeset për menaxhimi e mbetjeve inerte të krijuara gjatë fazës së ndërtimit sipas detyrimeve që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”;
- 4.16 Të sistemohen mjediset përreth ndërtimit me gjelbërim.
- 4.17 Furnizimi me ujë të pishëm të bëhet në tubacionin kryesor, me miratimin të Shoqërisë Anonime “Ujësjellës-Kanalizimeve”.
- 4.18 Furnizimin me energji elektrike të bëhet konform kërkesave e me miratimin të organeve kompetente.
- 4.19 Subjekti të realizojë në mënyrë të menjëhershme cdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.



- 4.20 Subjekti të ndjek me përpikmëri projektin teknik për të evituar erozionin e tokës, me qëllim ruajtjen e cilësisë së ujrave sipërfaqësore dhe nëntokësore.
- 4.21 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore.
- 4.22 Ne asnjë mënyrë mos të ketë shkarkime të dherave dhe ujrave të gjeneruara nga germimet në lumin Shkumbin.
- 4.23 Ne raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në DRM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.

**Në objektin e trajtimit duhet të përmbushen kërkesat e mëposhtme:**

- 4.24 Të zbatohet me rigorozitet rregullorja e vendit të punës.
- 4.25 Të lejohet hyrja vetëm e personave që kanë kualifikim për të administruar mbetjet.
- 4.26 Të tregohet kujdes për sigurinë e kontenierëve, të parandalohen rrjedhjet, të sigurohet mbrojtja nga uji, shiu dhe era
- 4.27 Të jenë ndërtuar me material të qëndrueshme që pastrohen lehtësisht, që nuk lejojnë depërtimin e lëngjeve dhe të jenë rezistente ndaj parazitëve.
- 4.28 Gjatë zhvillimit të aktivitetit të trajtimit të mbetjeve të merren masa mbrojtëse kundër aromave të pakëndshme duke instaluar sistemin e ventilimi-filtrimit për eliminimin e tyre.
- 4.29 Të instalohet oxhaku, lartësia e të cilit të kalojë patjetër lartësinë e objekteve me të afërta me të.
- 4.30 Të vendosen filtrat në oxhak, të cilët të nderrohen periodikisht në varesi të kapacitetit të trajtimit të mbetjeve.
- 4.31 Të merren masa për sigurimin teknik në ambjentet e kompanisë, të bëhet sistemimi ajrosja e ventilimi i ambjentit.
- 4.32 Trajtimi i mbetjeve në impiant të bëhet në një kohë sa më të shkurtër të mundshme duke ulur kohën e ekspozimit të tyre ndaj agjentëve të mjedisit;
- 4.33 Subjekti të mbajë rregjistër për sasinë e mbetjeve të trajtuara dhe të raportojë të dhënat çdo 6 muaj pranë Drejtorisë Rajonale të Mjedisit të qarkut përkatës.
- 4.34 Shkarkimet në mjedis të jenë nën vlerat e lejuara sipas VKM Nr. 435, datë 12.9.2002 "Për miratimin e normave të shkarkimeve në ajër".
- 4.35 Perpara fillimit të aktivitetit, subjekti të ketë të hartuar planin e monitorimit dhe të raportimit dhe ta dorëzojë pranë DRM-se dhe AKM-se.
- 4.36 Mbetjet e trajtuara, hiri të depozitohen në vendin e përcaktuar nga qeverisja vendore ose në të kundërt të depozitohen në vendepozitim më të afërt në përputhje me legjislacionin në fuqi;
- 4.37 Para fillimit të veprimtarisë të trajtimit të gjithë punëtorët e subjektit si dhe të njihen me termat dhe kushtet e sipercituara në Deklaratë
- 4.38 Subjekti duhet të respektojë gjithashtu edhe kushtet e vendosura të raportin e VNM-së që është paraqitur në aplikim si dhe të ketë parasysh të gjitha detyrimet që rrjedhin nga Ligji Nr. 10 431, datë 9.6.2011 "Për Mbrojtjen e Mjedisit".
- 4.39 Në përfundim të punimeve dhe instalimit të impinatit, të sillen pranë AKM një raport mbi gjendjen e mjedisit të shoqëruar me foto dhe mbi punimet rehabilituese gjatë gjithë gjurmës së projektit.



Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit Nr. 60/2014 datë 19.6.2014, "Për një ndryshim në ligjin nr. 10448, datë 14.7.2011, "Për lejet e mjedisit", të ndryshuar, Shtojca I, duhet t'i nënshtrohet procedurave per paisje me Leje Mjedisore.

Në dokumentacionin për Leje Mjedisore subjekti duhet të japë informacion më të detajuar si më poshtë:

- Lidhur me shkarkimet në ajër, sistemin e filtrave dhe monitorimin e tyre.
- Planin e Emergjencave.
- Sistemi i mbrojtës kundër zjarrit, dhe masat mbrojtëse ndaj aksidenteve të papritura gjatë fazës së instalimit dhe funksionimit.

Në bazë të udhëzimit të MM dhe MF nr. 7938, datë 17.7.2014 "Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së", ky subjekt ka kryer pagesën 50.000 lekë.

**DREJTORI I PËRGJITHSHËM I AKM**

  
**EDISON KONOMI**


**MINISTRI**

  
**BLENDI KLOSI**





PLANVENDOSJA E OBJEKTEVE



Coordinate System: Pulkovo 1942 Gauss Kruger zone 4  
 Projection: Transverse Mercator  
 Datum: Pulkovo 1942  
 false easting: 4,500,000.0000  
 false northing: 0.0000  
 central meridian: 21.0000  
 scale factor: 1.0000  
 latitude of origin: 0.0000  
 Units: Meter

Legjenda

● Koordinatat e objektetve

Pika	Objekti	X	Y
1	Inceneratori	4396690	4574080
2		4396831	4574026.8
3		4396728	4573754.7
4		4396588	4573808.1
5	Mbetjet e hirit	4396114	4573548.9
6		4396144	4573602.8
7		4396159	4573758.4
8		4396293	4573796.5
9		4396444	4573811.3
10		4396539	4573828.3
11		4396545	4573742.2
12		4396493	4573646.2
13		4396345	4573588
14		4396208	4573499.3
15		4396160	4573496
16		4396130	4573513.9



HARTA TOPOGRAFIKE E PROJEKTTI



REPUB  
STRAN E

